

0.0.1 paṭhamasañcetanika suttaṃ

1. nāhaṃ bhikkhave sañcetanikānaṃ kammānaṃ katānaṃ upacitānaṃ appaṭisaṃviditvā vyantībhāvaṃ vadāmi. tañca kho diṭṭhe va dhamme upapajje¹ vā apare vā pariyāye. na tve vāhaṃ bhikkhave sañcetanikānaṃ kammānaṃ katānaṃ upacitānaṃ appaṭisaṃviditvā dukkhassantakiriyāṃ vadāmi.
2. tatra bhikkhave tividhā kāyakammanta sandosabyāpatti akusalasañcetanikā dukkhudrayā dukkhavipākā hoti. catubbidhā vacīkammanta sandosabyāpatti akusalasañcetanikā dukkhudrayā dukkhavipākā hoti. tividhā mano kammanta sandosabyāpatti akusalasañcetanikā dukkhudrayā dukkha vipākā hoti.
3. kathañca bhikkhave tividhā kāyakammanta sandosabyāpatti akusalasañcetanikā dukkhudrayā dukkhavipākā hoti:
4. idha bhikkhave ekacco pāṇātipātī hoti luddo lohitapāṇī hatapahate nivīṭṭho adayāpanno sabbapāṇa-bhūtesu.
5. adinnādāyī hoti. yaṃ taṃ parassa paravittūpaka-
raṇaṃ gāmagataṃ vā arañña-gataṃ vā adinnaṃ they-
yasaṅkhātāṃ ādātā hoti.

¹upapajjaṃ vā - sī. mu. machasaṃ

6. kāmesu micchācārī hoti, yā tā māturakkhitāpitu-rakkhitā mātāpiturakkhitā bhāturakkhitā bhaginīrak-khitā ñātirakkhitā gottarakkhita dhammarakkhitā sas-sāmikā saporidaṇḍā antamaso mālāgulaparikkhittāpi tathārūpāsu cārittaṃ āpajjitā hoti.

7. evaṃ kho bhikkhave tividdhā kāyakammanta san-dosabyāpatti akusalasañcetanikā dukkhudrayā dukkha-vipākā hoti.

8. kathaṅca bhikkhave catubbidhā vacī kammanta san-dosabyāpatti akusalasañcetanikā dukkhudrayā dukkha-vipākā hoti.

9. idha bhikkhave ekacco musāvādī hoti, sabhāgato vā parisagato vā² ñātimajjhagato vā pūgamajjhagato vā rājakulamajjhagato vā abhinīto sakkhipuṭṭho, "eham-bho purisa yaṃ jānāsi taṃ vadehī"ti. so ajānaṃ vā āha 'jānāmī'ti. jānaṃ vā āha 'na jānāmi' ti. apassaṃ vā āha, 'passāmī'ti, passaṃ vā āha, 'na passāmī'ti. iti attahetu vā parahetu vā āmisakiñcikkahetu vā sam-pajānamusā bhāsītā hoti.

10. pisunavāco hoti. ito sutvā amutra akkhātā ime-saṃ bhedaṃ, amutra vā sutvā imesaṃ akkhātā amū-saṃ bhedaṃ. iti samaggānaṃ vā bhetta, bhinnānaṃ vā anuppadātā vaggārāmo vaggarato vagganandi vag-gakaraṇiṃ vācaṃ bhāsītā hoti.

²sabhagagato vā parisagagato vā - machasaṃ

11. pharusavāco hoti, yā sā vācā aṇḍakā kakkasā parakaṭukā parābhisajjanī kodhasāmantā asamādhisaṃvattanikā, tathārūpiṃ vācaṃ bhāsītā hoti.

12. samphappalāpī hoti, akālavādī abhūtavādī anathavādī adhammavādī avinayavādī anidhānavatiṃ vācaṃ bhāsītā hoti akālena anapadesaṃ apariyantavaṃ anatthasaṃhitam.

13. evaṃ kho bhikkhave catubbidhā vacīkammanta sandosabyāpatti akusalasañcetanikā dukkhudrayā dukkhavipākā hoti.

14. kathaṅca bhikkhave tividhā manokammanta sandosabyāpatti akusalasañcetanikā dukkhudrayā dukkhavipākā hoti.

15. idha bhikkhave ekacco abhijjhālū hoti, yaṃ taṃ parassa paravittūpakaraṇaṃ taṃ abhijjhītā hoti: aho vata yaṃ³ parassa taṃ mamassā³ti.

16. vyāpannacitto hoti paduṭṭhamanasaṃkappo 'ime sattā haññantu vā bajjhantu vā ucchijjantu vā vinasantu vā mā vā ahesunti.

³vatāyaṃ - simu.

17. micchādiṭṭhiko hoti viparītadassano, natthi dinnaṃ natthi yiṭṭhaṃ, natthi huttaṃ, natthi sukaṭadukka-tānaṃ kammānaṃ phalaṃ vipāko, natthi ayaṃ loko, natthi paro loko, natthi mātā, natthi pitā, natthi sattā opapātikā, natthi loke samaṇabrāhmaṇā samaggaṭā sammāpaṭipannā ye imaṅca lokaṃ paraṅca lokaṃ sa-yaṃ abhiññā sacchikatvā pavedentīti.

18. evaṃ kho bhikkhave tividhā manokammanta sandosabyāpatti akusalasañcetanikā dukkhuḍḍayā dukkha-vipākā hoti.

19. tividha kāyakammanta sandosabyāpatti akusala-sañcetanikā hetu vā bhikkhave, sattā kāyassabhedā parammaraṇā apāyaṃ duggatiṃ vinipātaṃ nirayaṃ upapajjanti. catubbidha vacīkammanta sandosabyāpatti akusalasañcetanikā hetu vā bhikkhave, sattā kāyassabhedā parammaraṇā apāyaṃ duggatiṃ vinipātaṃ nirayaṃ upapajjanti. tividha manokammanta sandosabyāpatti akusalasañcetanikā hetu vā bhikkhave, sattā kāyassa bhedaṃ parammaraṇā apāyaṃ duggatiṃ vinipātaṃ nirayaṃ upapajjanti.

20. seyyathāpi bhikkhave apaṇṇako maṇi uddhaṃ khitto yena yeneva paṭiṭṭhāti, suppaṭiṭṭhitāyeva paṭiṭṭhāti, evameva kho bhikkhave tividha kāyakammanta sandosabyāpatti akusalasañcetanikā hetu vā sattā kāyassabhedā parammaraṇā apāyaṃ duggatiṃ vinipātaṃ nirayaṃ upapajjanti. catubbidha vacīkammanta sandosabyāpatti akusalasañcetanikāhetu vā sattā kāyassa bhedaṃ

parammaraṇā apāyaṃ duggatiṃ vinipātaṃ nirayaṃ upapajjanti. tividha manokammanta sandosabyāpatti akusalasañcetanikāhetu vā sattā kāyassa bheda parammaraṇā apāyaṃ duggatiṃ nirayaṃ upapajjanti.

21. nāhaṃ bhikkhave sañcetanikānaṃ kammānaṃ ka-tānaṃ upacitānaṃ vyantībhāvaṃ vadāmi. tañca kho diṭṭhe va dhamme upapajje vā apare vā pariyāye. na tvevāhaṃ bhikkhave sañcetanikānaṃ kammānaṃ ka-tānaṃ upacitānaṃ appaṭisaṃviditvā dukkhassa anta-kiriyaṃ vadāmīti.

22. tatra bhikkhave tividhā kāyakammanta sampatti kusalasañcetanikā sukhudrayā sukhavipākā hoti, catubbidhā vacīkammanta sampatti kusalasañcetanikā sukhudrayā sukhavipākā hoti, tividhā manokammanta sampatti kusalasañcetanikā sukhudrayā sukhavipākā hoti.

23. kathaṇca bhikkhave tividhā kāyakammanta sampatti kulasañcetanikā sukhudrayā sukhavipākā hoti.

24. idha bhikkhave ekacco pāṇātipātaṃ pahāya pāṇātipātā paṭivirato hoti, nihitadaṇḍo nihitasattho, lajjī dayāpanno sabbapāṇabhūtahitānukampī viharati.

25. adinnādānaṃ pahāya adinnādānā paṭivirato hoti, yaṃ taṃ parassa paravittūpakaraṇaṃ gāmagataṃ vā

araññagataṃ vā, na taṃ adinnaṃ theyyasaṅkhātāṃ
ādātā hoti.

26. kāmesu micchācāraṃ pahāya kāmesu micchācārā
paṭivirato hoti. yā tā māturakkhitā, piturakkhitā, mā-
tāpiturakkhitā, bhāturakkhitā bhaginīrakkhitā, ñātira-
khitā, gottarakkhitā, dhammarakkhitā, sassāmikā sa-
paridaṇḍā antamaso mālāgulaparikkhittāpi, tathārū-
pāsu na cārittaṃ āpajjitā hoti.

27. evaṃ kho bhikkhave tividhā kāyakammanta sam-
patti kusalasañcetanikā sukhudrayā sukhavipākā hoti.

28. kathañca bhikkhave catubbidhā vacīkammanta
sompatti kusalasañcetanikā sukhudrayā sukha vipākā
hoti:

29. idha bhikkhave ekacco musāvādaṃ pahāya mu-
sāvādā paṭivirato hoti. sabhāgato vā parisagato vā
ñātimajjhagato vā pūgamajjhagato vā rājakulamajjha-
gato vā abhinīto sakkipuṭṭho "ehambho purisa, yaṃ
jānāhi, taṃ vadehī"ti. so ajānaṃ vā āha: 'na jānāmī'ti.
jānaṃ vā āha, 'jānāmī'ti, apassaṃ vā āha 'na passa-
mī'ti. passaṃ vā āha, 'passāmī'ti. iti attahetu vā parahetu
vā āmisakiñcikkahetu vā na sampajānamusā bhāsītā
hoti.

30. pisunaṃ vācaṃ pahāya pisunāya vācāya paṭi-
virato hoti. na ito sutvā amutra akkhātā imesaṃ bhe-

dāya, amutra vā sutvā imesaṃ akkhātā amūsaṃ bhe-
dāya, iti bhinnānaṃ vā sandhātā sahitānaṃ vā anup-
padātā samaggārāmo samaggarato samagganandī sa-
maggakaṇiṃ vācaṃ bhāsītā hoti.

31. pharusāṃ vācaṃ pahāya pharusāya vācāya paṭi-
virato hoti. yā sā vācā neḷā kaṇṇasukhā pemaṇīyā ha-
dayaṅgamā porī bahujaṇakantā bahujaṇamanāpā ta-
thārūpiṃ vācaṃ bhāsītā hoti.

32. samphappalāpaṃ pahāya samphappalāpā paṭivi-
rato hoti. kālavādī bhūtavādī atthavādī dhammavādī
vinayavādī nidhānavatiṃ vācaṃ bhāsītā hoti, kālena
sāpadesaṃ pariyantavatiṃ atthasaṃhitāṃ.

33. evaṃ kho bhikkhave catubbidhā vacīkamanta
saṃpatti kusalasañcetanikā sukhudrayā sukhavipākā
hoti.

34. kathaṅca bhikkhave tividhā manokamanta saṃ-
patti kusalasañcetanikā sukhudrayā sukhavipākā hoti:

35. idha bhikkhave ekacco anabhijjhālū hoti, yaṃ taṃ
parassa paracittūpakaraṇaṃ, taṃ anabhijjhītā hoti, "aho
vata yaṃ parassa taṃ mama assā"ti.

36. abyāpannacitto hoti appaduṭṭhamanasāṅkappo, 'ime
sattā averā hontu avyāpajjā anīghā sukhī attānaṃ pa-
riharantu"ti.

37. sammādiṭṭhiko hoti aviparītadassano, 'atthi dinnaṃ atthi yitṭhaṃ, atthi hutaṃ, atthi sukaṭadukkaṭānaṃ kammānaṃ phalaṃ vipāko, atthi ayaṃ loko, atthi paro loko, atthi mātā, atthi pitā, atthi sattā opapātikā, atthi loke samaṇabrāhmaṇā sammaggaṭā, sammā paṭipannā, yo imaṅca lokaṃ paraṅca lokaṃ sayamaṃ abhiññā sacchikatvā pavedentī'ti.

38. evaṃ kho bhikkhave tividhā manokammanta sampatti kusalasañcetanikā sukhudrayā sukhavipākā hoti.

39. tividhakāyakkammanta sampatti kusalasañcetanikā hetu vā bhikkhave sattā kāyassa bhedaṃ parammaraṇā sugatiṃ saggaṃ lokaṃ upapajjanti. catubbidha vacīkammanta sampatti kusalasañcetanikā hetu vā bhikkhave sattā kāyassa bhedaṃ parammaraṇā sugatiṃ saggaṃ lokaṃ upapajjanti. tividha manokammanta sampatti kusalasañcetanikā hetu vā bhikkhave sattā kāyassa bhedaṃ parammaraṇā sugatiṃ saggaṃ lokaṃ upapajjanti.

40. seyyathāpi bhikkhave apaṇṇako maṇi uddhaṃ khitto yena yeneva paṭiṭṭhāti suppaṭiṭṭhitaṃ yeva paṭiṭṭhāti. evameva kho bhikkhave tividha kāyakkammanta sampatti kusalasañcetanikā hetu vā sattā kāyassa bhedaṃ parammaraṇā sugatiṃ saggaṃ lokaṃ upapajjanti. catubbidhavaacīkammanta sampatti kusalasañcetanikā hetu vā sattākāyassa bhedaṃ parammaraṇā sugatiṃ saggaṃ lokaṃ upapajjanti. tividha manokammanta sampatti

kusalasañcetanikā hetu vā sattā kāyassa bheda param-
maraṇā sugatiṃ saggaṃ lokaṃ upapajjanti.

41. nāhaṃ bhikkhave sañcetanikānaṃ kammānaṃ ka-
tānaṃ upacitānaṃ vyantībhāvaṃ vadāmi. tañca kho
diṭṭhe va dhamme upapajje vā apare vā pariyāye. na
tvevāhaṃ bhikkhave sañcetanikānaṃ kammānaṃ ka-
tānaṃ upacitānaṃ appaṭisaṃviditvā dukkhassa anta-
kiriyaṃ vadāmīti.